

春融堂集

春融堂集卷七

青浦 王 昶 德甫

蒲褐山房集

己卯 辛巳

庚辰

元夕

昇平樂事萬方覃
回憶前游意最耽
月映香車聞擲果
花移繡帕見傳柑
歌樓玉笛珠爲釧
蘭若明燈錦作龕
遙望綠楊城郭裏
銷魂今夜是江南

題項舍人芸堂

淳畫

蒼山杳然深楓杉
翳寒綠石林罕人
蹤磴道自盤曲得
非白嶽間層雲滿
崖谷芸堂列仙儒
夙尙寓樵牧經年
夢家山裴裊寫幽
躅曷不補茅齋虛
窗蔭叢竹添我抱
琴來支筇聽飛瀑

爲陳侍讀寶所

鴻寶

題華秋岳

嵩

山水小幀

午寂罷彈碁見此明窗畫珍木兩三叢蕭森得清槩倚逕絕
茅茨臨溪罕雲碓依稀畧竹間細雨鳴秋瀨我欲擢扁舟凌
風入煙靄

程編修午橋

夢星

南齋種花圖

藥圃梅坪地數弓細桃開遍亞枝紅春畦雨過芹泥潤檢點
鷄鋤課僉童

養花時節浣花居小綠長紅繞碧渠勸譜蔬經都檢遍不妨
重訂種花書

金

壽

陳

竹

王

受

沈

學

江湖客嘯竹吟梅寄興殊知有詞人爲

地主款門來往數花鬚

浪迹蕪城近五年篠園竹木已寒煙誰人更作栽花計還看

濃香滿綠田

姜秀才光宇

晨

屬題其高祖學在先生

稿

所畫山水

小幀

碧血紅蕪滿故關之果何路訪孱顏
喻糜染得生平淚別寫
秋江一片山

煙外秋崖數點青有人枯坐望層冥
分明不是吳中路水石
蒼寒憶敬亭

碧澥觀潮圖爲齊侍郎次風題

洪颺鼓全輪眞宰結區宙神州絡其中
裊灊互奔湊盈虛限
望弦來往劃宵晝初生激迴瀾漸長
濺飛溜蒼茫銀山移倏
忽雪嶺走如雷遞闢砢若車競輻輳
垂虹螳躡快馬狀馳
驟渦生蛟鰐蟠浪擁鼉鼉鬬振翼駭
倏蟪張帆識乘鸞珠官

龍伯都貝闕鯨人守石華散葳蕤海月錯文繡偉哉百谷王
具此萬物宥我聞博桑東金銀燦層構煙嵐蔽樓臺花鳥麗
園囿時有羣真來鸞鶴滿巖岫金城隸木公玉節降川后誰
乘靈槎游親覩神居富先生蘊奇懷清思擅刻鏤波瀾湧文
詞沙石悟篆籀小築愛滄洲碧流供枕漱爲展雲夢宵望洋
快延袤吳綃寫遠勢抉眚豁蒙瞽繚繞卷雲霞橫斜挂星宿
吮彼井底蛙蠡測最舛陋我無元虛才作賦等金奏頗知華
嚴藏法性絕塵垢淨覺本無心去來寧有漏企彼波斯王照
影驚面皺詎誇廣陵奇豈羨海山舊行將事月光水觀起研
究

贈周孝廉元木

大樞

行卷聲名久僑居歲月遷蒼苔沿井厚綠樹映門圓耆宿鄉

人重經疑弟子傳鑑湖山色好何日榜歸船

卽事

空齋梅雨靜炎蒸散直歸來意不勝小榻臥看苔壁畫名香
晚炷竹龕燈心情寥落殘宵夢身事淒涼退院僧忽憶西湖
千頃碧幾時漁步結行旛

海淀道中

短幘迎風拂面涼班輪宛轉度魚梁菰蒲忽送蕭蕭響荷菱
猶聞冉冉香雲際樓臺青瑣近林中煙靄翠微長祈年應有
甘霖降已見濃陰覆苑牆

喜雨用蘇文忠和張昌言韻

日日晴暉映紫雲忽看疎雨下層雲虛堂微瀟生琴薦短榻
初涼入簾紋告祭久聞虔北時豐年應已備南薰牕前只少

千竿竹獨聽簷聲憶此君

蒲褐山房

賃得城南屋數椽冰牀雪被舊因緣敢云精舍同高座畧稱
閒齋似小眠葦箔風寒添篆炷苔階雨過潤茶煙淨名說法
休嫌窄十笏能容善現天

題張孝廉商言

損

竹葉庵記夢刪

閨浮提界本夢境夢中作夢紛誼闌乘車入穴盡流注恍惚
異境窮人天前塵宿命亦涌現漏業往往隨三緣蒲池寺中
雨浙瀝邨亭湖畔波淪漣兩翁清夢世所羨豈知生滅同雲
煙張郎仙才具仙骨病來化作飛行仙蒙茸宿莽入古徑淙
潺急溜響鳴泉層崖絕頂嵐翠澤馭風寬度昆侖嶺槩樊宛
轉草似帶石梁屈曲花如蓮聳身忽覺近霄漢舉手直可攀

星躔童初易遷迭隱現中有妖女姿便娟綠紉衣輕畫金鳳
紅膏鬢薄低秋蟬昭靈雖聞降許遜萼綠何意親羊權海山
舊院幸無恙歸時篁篠餘清妍玉童依然進瓜果藥鼎誰更
燒丹銘真靈洞府游未足醒來宿火仍孤眠翠禽嘯樹殘漏
盡曉雪委砌寒冰懸蓬山一隔空想像擁衾倚枕心惛惛淋
漓落墨記純素欲使異事人爭傳空華幻色竟無住何乃刻
畫煩華篇雲臺飛昇尙難就寧有詩酒供留連趙舍人雲松
翼詩有不如
神仙足風流詩酒聲色百
不失之句故以此正之欲天依報縱不乏終恐謫墮歸憂
煎吾亦當時慕颺舉思駕元鶴資騰鸞琴心三疊非了義竟
向六度希真詮蝗螟嘉穀古有戒勸君慎勿相縈纏清詞自
成新官句妙諦還證雲居禪意根不轉心識斷世間睡覺皆
安便庭前翠竹儻有悟一任阿閼從空旋

懷淨慈大恒上人

斷雲殘照暮晴餘，迢遞湖山憶淨居。
一榻清陰蘭蕙靜，半牕涼雨芰荷疎。
法融已辨觀心義，孝穆猶稽誓願書。
輸與東林蓮社侶，長攜瓶盞聽鐘魚。

入閤卽事

首擢頻叨愧不材，前年皆蒙恩一等第一召試今春試差。
雲階月地又追陪，
鯨珠海客期連掇。駕錦天孫喜共裁，
正對蟾光明玉鏡。況逢驥足聚金臺，
紫薇影近霓裳舞。定見人文麗斗魁。

適庭旣別復以詩見示次韻

襤被蕭然逐斷鴻，單車相送潞河東。
有情世界難爲別，無意詩章更自工。
燕樹千重懸北路，吳帆五兩趁西風。
歸時亟與諸郎道，辛苦燈牕莫恨窮。

大閱恭紀

文德通三極軍威振八方彤雲扶鳳輦曉日整龍驤芳甸
移旌仗和門肅斧斯太平周典在羽獵陋長楊

校尉三河將良家六郡兵鉤陳森御宿天駟走星精虎豹
綽鈴祕龍蛇陣勢橫欲呈後臂技鳴鏑各分棚

表終遵周禮驅熊邁漢年公矛千隊集桂盾六營先十鼓周
宣字雙龍夏后篇風雷軍令肅隱隱出中權

山海黃圖闢星辰紫極雄高臺連渤碣別苑接崆峒日動旌
旂影秋高鼓角風三驅仍習禮宵旰厯深宮

文武宏猷壯尊親邇治覃車書通勃律玉帛走黎僭絕域風
霆震遐方雨露涵近關班定遠捲甲更西戡

威斗璇璣北長城渤海西羽林同昧首屬國盡雕題向晚雲

霞麗回軍壁壘齊共調朱鷺曲歡喜動羣黎

回部平定恭紀一百韻

有序

臣聞壽邱御世築墳陳五意之符若水膺期司地定
九黎之罰舞兩階之干羽尙記徂征集萬國之共球
猶傳撻伐蓋宅中圖大必期怙冒于靡涯而奮武揆
文要在撫綏于莫外欽惟我 皇上明同離照

德叶乾剛列九州疆索之中羣霜愷澤處兩戒河
山之外共沐熙和迺者厄膺殄平伊犁底定天山迨
遞遙傳頡利之俘蔥嶺崎嶇已勒祁連之碣占星昧
谷驗昏旦于羲和拓地渠搜步東西于章亥和闐震
懼或泥首以歸誠烏什歡欣悉傾心而向治大宛列
部箭雲來天馬之奇布露諸蕃重譯進文犀之寶蠶

茲霍集占兄弟本屬么麼向屬準噶爾拘留長嬰縲

縶賴 聖世憇安邊之畧得免俘囚荷 天朝

宏繼絕之仁仍居荒服固宜佩深恩于 高厚用

以効微忱於 尊親何乃侍厥要荒遂成豕突率

其種類漫肆踴張爰運 神機重行 天討千

軍雷動舉烽則賊壘俱穿萬騎颺馳傳檄而名城悉

下凶渠跋扈已無免死之方小醜潛逃詎有游魂之

地剗蚩尤於大野授首轅門誅竄竄於窮荒陳尸幕

府回人喪膽盡俘奸黨以迎降酋長驚心並遣賢王

而奉款戢干戈於萬里永垂耆定之休通耕鑿於三

邊用兆阜成之慶纂 列聖未成之緒豈誇地

盡西陲建前王罕觀之功共使星瞻北極樹千秋之

駿烈奇勛默佑於天心規萬禩之鴻圖大業仰成於
廟畧玉琯屆三陽之始愈增長至嘉祥璇闥
迎 萬壽之期益助 慈寧燕喜展

橘山之弓劍用告成功陳 寢廟之圭璋丕

承 先烈宏敷 惠澤馨香遐格於神人疊

布 恩綸雨露普霑於中外樹豐碑於泮壁遂邁

周王石鼓之詩抒 偉論於藝林儼同軒后金人

之籙虎牙晉秩馳驅盡伏夫 天威龍領封侯綏

定原歸於 睿算車書並範萬年垂清晏之休玉

帛來同六宇切生成之戴臣濫叨微省近侍 楓宸

幸際昌期亭障遙通於絕域欣逢景運幅員直達於

窮陬敬志五言恭成百韻鋪張盛軌鴻模遠紹於競

軒揚厲宏規麗藻竊慚於崔蔡

聖德輝三極 皇威震八方布和文教治靖遠武功彰 當
宁符軒錄開階契燧皇昭華光爛漫延喜玉琳琅膏雨三時
潤威靈萬國匡幽都胥北燭丹徼並南燭奉義陪冠帶懷仁
進篚筐傾心歸版籍稽首隸封疆貫耳陳琛切雕題納賚忙
碧基王會盛赤縣 帝圖昌往者餘么麼居然擅陸梁

累朝煩斧鉞數道整銖斨已致鴟音革俄傳螳臂攘控
弦誇獨勇鳴鏑恣相戕襁負歸函夏提攜挈媼羌取殘經訓
舊龕暴 聖謨臧乞命哀窮鳥投誠念沸蟠五營馳豹旅

兩路遣龍驤張幕吹笳競陳師擊鼓鏜遂看封豕縛旋見怒
蛙狂絕漠還重掃犁庭待大創殘骸陳罽毼妖彗掃機槍異
域通離昧方輿接混茫土圭占象緯銅臬驗穹蒼尙有熊羆

守何期梟獍翔解懸忘魄虺負德肆披猖更遣乘槎使仍階
執戟郎奉詞旗正正討逆氣趙趙寶轡裝玫瑰去聲鉤膺飾鏤
錫雕弓開勁旅畫戟淬神鉞鴈翼分還合魚麗頡更頡韜鈴
紛迭變茶火鬱相望敵氣爭騰踔同仇矢激昂連營排桓楯
列帳逼陴陴牙拍齊懸布雲梯悉繫枕前茅疎斥候閒道失
隄防一鼓名城下三驅逋寇亡窮追過媯水乘勝下河湟布
魯東西部宛城左右王種猶沿鐵勒地最近烏菴並獻蒲萄
酒均攜瑪瑙漿占風深警懼向日競惴惶羆虎軍雖振驂騑
力已旼鑿門猶搏戰守堡倍騰衰挾纈羣情協投醪士氣揚
神泉流沆澤石廩出稷梁刁斗誰能犯蜚弧詎致傷兩軍仍
繼進四面合顏行羣醜宵偕潰凶渠走且僵銜枚探虎口捲
甲剖墓腸巨刃摩天倚虞羅匝地張窮邊收滴博絕徼下狼

脫免死終無地游魂自名歿潛蹤情轍棘息喙意動勦三窟
知難據諸蕃孰敢藏飛書陳國典壓境示天常首惡誅毋寡
羣凶獻鬼章風聲昭細柳露布上長楊絕塞傳三捷嘉辰值
一陽 圓丘供繭栗配位報羶薌星日增紉纓雲霞助
焯煌神功超子姁上德媿炎黃震宇歡呼誦羣工拜手颺
宸襟彌劼毖 睿慮更周詳永荷 圓穹佑咸因

世德長

慈闈親送喜

太室肅升香弓劍

橋山重松楸祕殿涼告成昭繼序奏績表鴻慶晉秩兜
鍤並酬庸圭瓚將勞師臨武帳執馘上 明堂瑞氣盈長樂

恩綸出未央

聲靈昭赫赫

茂澤益瀼瀼

奎藻頒中

禁豐碑勒上庠蟠螭森氣象彩鳳煥光芒用作千秋鏡宜陳
萬壽觴經營懷始事擘畫孰同襄不惜維州棄惟驚頡

利強運籌頻瑟縮決策每周憊遠畧疑難就奇勛豈易償
九重親震動萬里運乾剛指顧平烏濬從容定白羊收功如
破竹勝算在因糧拓土增千驛論時閱五霜自能綏徧疆終
見靖穰塘列戍開屯政分區置樵場黃雲秋覆隴碧黍早盈
箱路鑿條條陌渠通曲曲塘連村收玉粒列部喜金穰官吏
勤咨度軍民懋俊良蠲除周陝洛賑貸遍伊涼世共登仁壽
人咸賴迪康宏模徵顯顯令德頌光光樂和神農瑟衣垂帝
舜裳化孚漸碧海兵盡洗銀潢脫劍歸熙皞橐弓肇吉祥竹
宮生蘆葦璇室產芝房結屋雲重麗成珠露浥芳珍輪三足
鳥貢晉九苞鳳鏡吹傳朱鷺聲詩譜白狼惟應千萬禩長此
運璇綱

和來殷除夕悼亡作

春信初迴歲又終知君歎逝恨無窮空留臘酒凝重碧誰摘
唐花插小紅翠袖依稀魂夢裏青衫蕉萃淚痕中遶欄詠絮
人何在忍見飛雲上畫櫳

油燈無焰漏籤遲長簾空牀晚更悲死別恰當生別後

來殷時隨

往木蘭

單棲忍憶並棲時熏爐寶麝沈簫局盡篋殘螺漬研池

回憶擘箋吟賞處幾番清淚落連絲

萬戶桃符動早春海山難覓謝庭人敬君畫在空留影荀令
香消倍愴神一夜聽風兼聽雨三生如夢更如塵雲藍小字
休傳寫贏得銜愁淚滿巾

爲周農部讓谷

天度

題春渚垂綸圖

風定春江水似羅橈頭小艇傍煙莎筆牀茶竈兼書卷比似
松陵家具多

蘆葉青青覆釣船
柳陰春暝薄寒天
棟花風起江潮上
自釣槎頭縮項鰻

小築香茅薛澱東
西冷相去一甌風
憑君著我松船裏
共數青螺暮靄中

題陳楞山墨梅

處士偏工覓句畸
人最愛逃禪好取
藥鑪經卷竹牕相
伴高眠
月下是影非影風
前有香無香妙諦
誰能拈出憑君問
取花光

項孝子詩

吾昔作詩紀瘦沈
崑山沈孝子歸愚先生作傳余以詩紀其事
感激至行凌穹旻
今來復覩孝子傳
異事卓絕超前聞
松明天都鬱靈氣
播爲

懿德清而醇窮崖幽仄爭嶙峋中有馬鬣封高墳苦茨數椽
絕人迹澗泉嗚咽交荒榛松櫟翳雪白日暗猶鳥嘯雨層雲
屯陰房鬼火晚蕭瑟淚灑草樹難生春安豐孝門已罕覲矧
乃童卯敦彝倫嗚呼廬墓古無禮陋儒議論徒紛紜過及智
就賢所贊奚用墨守推遺文相州參軍素芝見衡陽博士靈
烏馴乾精坤貺亦昭應寧不嗟歎興齊民愧我詞章遜遐叔
莫與二孝揚清芬承恩景先世不乏庶見令迹鑱青珉

吳企晉陸健男

錫熊

同至京師招鳳階荀叔鐘越來

殷諸君小集

三載相思一旦伸門前已報駐雕輪擬將燕市同吳市況有
詩人並酒人路近香林宜卜夜

時企晉寓
法源寺

風暄杏苑好尋春

不須更說登瀛喜且合名流作勝因

故園

芳訊頻憂驛使遲，故園迢遞入離思。
芹香江燕銜泥候，花落吳蠶上箔時。
薄病不禁連夜雨，清愁閑寄餞春詩。
殘宵鄉夢經行處，柳外茅堂竹外籬。

送嚴東有還揚州

相見東華第幾朝，急裝重見上征輶。
春陰正喜逢花市，客路何堪折柳條。
燈影秋波邀笛步，簫聲涼月擣衣橋。
舊游兩地真如夢，并與離魂一夜消。

病中有懷沈學子用蘇文忠寒食同游西湖韻

寒食紅橋又二年，柔波憶共水蘭船。
檀槽急響風燈下，藍尾深杯水閣前。
春貢煙蕪空想像，豐臺紅藥漸芳妍。
病懷畧似東陽沈，獨對屏山枕手眠。

雨後由西直門赴直隸作

聽盡三更雨平添一尺泥正西坊下水已涇玉驄蹄
荷蓋差差綠秧針剌剌青村歌何處起縹緲出煙汀
自鷺飛還下青蟬斷復吟濃陰纔幾日忽見綠蕪深
稍露牆腰日猶生樹杪雲中峯深幾疊嵐翠杳難分
淺碧西湖水柔藍北澗波樊川池館好分得潤煙蘿

謂介少宗伯別墅

竹樹層垣迴菰蔣短約斜酒旗風不定一路落槐花
接畛家家水橫林處處煙不知醉竹後翻作熟梅天
煙暝千條柳風開十字蘋芳堤平似掌不起麴絲塵
竹町傳芸鼓香林颺梵鐘雲帆江漲路回首憶吳淞
苦瓠絲階上戎葵向檻黏今宵官燭底清溜聽排簷

題沈石田夏日山水長卷

荆關董巨誰能師，叔明予久乃繼之。中間衰謝二百載，相城筆力能驅馳。崇山巨壑互稠疊，朝嵐暮靄縈屣屣。解索擎斧皴法具，宜與造化參深微。今觀此圖長二丈，卷舒一氣無端倪。巖巖巖拔地，亘百折清樾蔽日紛。千圍螺旋蟻徑窈而曲，約畧村店開茅茨。松檜盤孖戴霜雪，簷簷蕭颯翻風漪。最後草堂對遠浦，藥欄花當環陳籬。溪濱畸客若過訪，亦有童子相追隨。鈔牀蕙帳淨如拭，宛然尊宿窮黃義。圖中景物最開豁，支硎鄧尉非其宜。同時翰墨多小品，唐寅文壁終難幾。自惟獨擅千古勝，染濡大筆恣淋漓。先生況生邳盛日，湖山田宅供嬉怡。良辰方值夏五後，綠陰芳草盈階墀。蕭閒自在命柔翰，至今開卷生涼颼。直廬視草正清暇，素衣幸免風塵緇。山

林忽動麋鹿性妙墨應共良朋知朝衫在笥正可典急沽佳釀澆深卮晚來更值小三昧可與韋慎占褚左同嗟咨時兩君接直將

蘆洲倚棹圖爲鄭編修炳也

虎文題

吾家茅屋吳淞上翠潋澄潭遠相向湘簾流平暮靄勻韡紋色淨柔波漲每看連鴈下晴空時有飛鳬來蕩漾霜落蒹葭映遠汀秋寒筠篠疎層嶂未能家具備三舟聊付閒情消五眠近乘薄笨入春明日日瑤階侍仙仗望中煙雨憶漁竿夢裏溪山懷鶴舫開圖滿眼足菰蒲樂瀨歆湖連竹簷一路蘋花映玉沙半江楓葉明銀浪燕尾波深桂櫂浮鯉魚風起蒲帆颺會稽夏統共吟謠上澗楊舄伴疎放生綃隱約寫東湖疎柳枯荷足遙望羨君高隱計先成願我歸耕心不忘他時

乘興過南田扣舷好作山陰訪

內閣槐樹

斷雨殘虹薄雲天扶疎嘉樹畫堂前花濃粉壁棲湘燕葉覆
紅牆蔭露蟬瓊珮趨朝清影重瑣窗封事綠陰圓承華愧
乏連枝頌八尺風漪藉晚眠

憶朱子存

可歎追歡地江山付別愁石壇松影寺煙舫葦花洲水鳥窺
碁局明燈照酒籌桃椎應見憶扶杖數前游

和申府丞笏山甫郊居四首

槐柳陰陰繞逕遮別開小築薜垣斜輞川亭榭疑仙宅韋曲
煙波近帝家雲起西山紫晚樹泉分北淀澗名花安陽鵲
更時來往搦畫行碁一笑譁

荆扉仍著薜蘿遮
藥瀨歛湖磴道斜
鐘颺秋聲來遠寺
竹分清影過鄰家
評詩快瀉長瓶酒
校字閒挑短檠花
信是軟紅飛不到
晚煙涼露靜無譁

小閣疎簾窄地遮
瓜苗藤蔓上階斜
香廚已擬淹中宅
蘭畹仍同谷口家
遶徑碧煙新焙茗
拂檐紅雨亞枝花
清吟蹋壁蕭齋靜
坐聽疎林翠羽譁

清景依然似玉遮
茅茨不剪槿籬斜
閒招賸客修琴譜
晚共畸人論畫家
竹屋風疎聞墜果
藥欄雨霽數開花
謝公自有邱樊志
肯羨紅幃十部譁

吳淩雲先生

士功

惠鄭宅茶

鄭宅滋春茗芳名
重建茶焙來風味
雋包致道途賒退
食開松竈呼僮汲
井華相如忝著作
消渴藉雲芽

題顧舍人北墅雲秋夜讀書圖

雉皋我昔逢姜君

余曾爲姜晦宰題秋夜讀書圖

曾見吳綃寫良夜脩脩叢

篠簷麝屏漠漠寒蕪滿庭榭眼明擬覓畫中山竹几松龕伴
閒暇今觀此冊更清深短柵虛櫺互相亞小築纔規地數弓
幽居恰剪茅三架桐華羃歷胃簷牙蕉葉疎森低石罈蕭齋
隱約啟牙籤漏永燈寒不能罷中經新簿恣撿擷別錄羣經
供膾炙覃精不惜屢編蒲得味懸知同噉蔗自嗟俗學昧真
詮誰復澄心觀道化季緒論文尙訾警子雍說禮爭彈射竟
令正學絕師承但與前賢鬪雄跨喜君磊砢出風塵標格嶙
峋比泰華邇來給札草詞頭嘗侍鉤陳參法駕華林誥勅
正紛綸故里邱樊虛枕藉幸看北淀足蒲荷復有西山饒麋
栢雨霽中峯煙靄濃冰消裂帛湖流瀉故應載酒愜清游何

事臨風思舊舍幽襟無別慕王裴素尚依然侔沈謝南陌扶
筇愛討春北窓鬪茗容消夏況值初涼入研屏開函恰對清
秋乍月冷縑囊剔蠹蟬露凝湘管磨松麝雅才自喜近皇墳
老圃何妨親草稼牆東老屋翳蓬蒿水北長塍翻穰稻他時
遙憶校書人吟聲應繞楓林下

送吳企晉南歸

上第仍如下第時南歸況味我深知莫言風雨還睽隔且與
雲山慰別離解褐已通金榜籍拂衣更富錦囊詩吳中故舊
如相問爲報東方向苦飢

西華門外寓舍夜作

清簾疎簾事事幽蕭齋十笏足淹留未央宮近聞虬箭太液
波長繞鳳樓珠綴芳蘭金掌露香涵仙桂玉輪秋紅牆碧漢

天然景約與年年此際游

再入秋闈

校士經闈乍隔秋又看

恩旨出龍樓聲名屢映魁三象

拔擢還居第一籌

去年考差第一今年第三
而奉出殊筆仍舉首列

海底珊瑚寧盡

獲山中杞梓冀同收少時勒白曾遭斥頻向長檠拭短眸

悼鄒孺人十六首

秋色淒清白露天雲車恰趁月初弦也知破鏡終難合不待

冰輪作意圓

孺人以七月初八日謝世

繚繞迴廊散步遲重門鼓角振秋颶不堪試院煎茶日正是

紅蘭委露時

謝公嬌女最鍾憐選壻頻煩著膝前回憶金堂畱宴處桂花

秋老遍苔錢

外舅吟嘯堂前古桂兩株輪囷蕃茂蓋二
三百年物也自外舅下世桂亦摧爲薪矣

小蒸村北管公樓松雪名書重玉鉤檢起碎金初拓本墨華
零落掩羅幃予外家在章練塘與小蒸接壤爲管仲姬所生之地趙承旨往來於此遺墨最多外舅之祖彥

林先生嘗哀爲碎金帖董思白陳仲醇俱有跋語昔年

舅氏曾以繕本見贈今竊具中惟此帖尙爲舊物也

集蓼何時襟抱開今朝仍送紙錢財生涯約畧如元相貧賤
夫妻百事哀

補綴裂衫黯澹妝凌晨操釜蹋嚴霜斷冰還撥深爐火手瀹
清泉供北堂

噉粥分羹近十年黔婁生計總蕭然朝朝自掃風廊葉却與
山廚作竈煙

曾隨計吏放征騶苦語分明石闕銜最憶春燈畱別夜連絲
和淚灑征衫

往歲青衫困軟紅燕齊來往等飛蓬離華秋色蘆溝月多在

深閨望眼中

采絲歸期久未占慈幃衰病入秋淹禦冬計與終天恨縞袂

通宵血淚沾

甲戌冬先妣
陸安人見背

仙果生遲未有因篝燈相對話酸辛如君更比韋叢苦病裏
扶牀少降眞

貧無葠術供醫藥病乏巫妪作解禳今日歸魂知有地應隨
湛母謁明王

羈宦何堪復悼亡多情薄命易迴腸秋陰庭院靈牀畔一盞
寒燈半炷香

二毛久已歎侵尋又值哀弦感寸心拚个霜華齊上鬢更無
人詠白頭吟

重陽纔過峭寒生風雨宵來尙滿城已是鰥魚眠未穩不堪

榆柳送秋聲

粉墨虛傳病日容遂將遺恨寫眉峯不須更畫張溫妹作傳

他年待蔚宗

時寫遺挂殊不似故云

九月杪移居教子衡衡

質庶頻年類轉蓬卜居新喜得牆東梢簷樹色濃于畫合作先生一畝宮

多病經時廢簡編敢將風雅替前賢南陽弟子西都客載酒

依稀似昔年

是宅舊爲趙天羽給諫寄園故址嗣李玉舟沈

居焉迄今幾二十年余復以門生繼其迹

雖名位相懸而賓從之盛殆不減曩昔云

也結絲綉侍

禁庭趨班歸後戶常扃閒來早與山僮約添

種蒼筤一桁青

纔罷衡文更校文

時余爲史館纂修

書生結習正紛紜求碑又報南

華使雙屐閒階破蘚紋

南華資長老寓書
求圓通庵碑記

打頭矮屋似吳艘半炷香篝半掩窗夢醒不知殘葉下誤聽
疎雨滴秋江

掃地焚香度歲華園壇結界是生涯旁人休擬華陰市已似
淞南野客家

玉局香山是本師蕭閒心迹故人知道緣漸勝塵緣減并少
移牀避客時

生平彌勒慣同龕況有精廬近路南從此澆書行藥罷粥魚
茶板趁時參

題汪博士韡懷後譚藝圖二十二韻

一寮晴日朝融融暄景畧與江南同銅鑪煙深石研潤獨吟
負手巡簾櫺平頭示我三尺畫畫間樹石森巖從辛夷齊開

泣新雨石蘭暗折搖香風幽人單衣撫膝坐游目遠送南歸
鴻座旁佚老不可辨把卷似契無言中得非王裴共情話或
是嵇阮相過從君言瓣香在昌穀標舉譚藝爲詞宗吁嗟詩
旨尙明悟華嚴樓閣森千重散花未許染結習指月並在參
虛空性情才學互涌現誰能刻楮摹遺蹤迪功當年本精詣
鳳毛麀角超凡庸近參三俊固妍雅遠躋四傑殊豪雄殘雪
在地映新月世人評泊難爲工胡爲輕材但墨守文章江左
資排攻嗟我失學愧躋駁藉君妙論開愚蒙瘦羊博士况閒
冷坐嘯差足娛殘冬耽思貴遡作者意命侶未厭詩人窮稍
待朔雪翻層穹相期酤取春醪濃扣門剝啄繫瘦馬清譚並
對紅爐紅

雪夜感悼

漠漠三秋隔恩恩百日臨辛勤懷舉曰慘澹憶彈琴

雜寶藏經云優

施美王夫人名曰有相遣王彈琴王素善相觀其死相已現卽撫琴長歎

鏡掩塵長漬燈殘雪漸

深斷行何處鴈淒切度寒林

駕幸五臺祝釐恭賦

有序

蓋聞空桐西屈風傳四埵名山恒岳南來羣仰五臺
勝地岌嶷寶刹曼殊演化之區肅穆金繩妙德闡宗
之域標嘉名於法藏柰苑宏開傳靈迹於華嚴竹林
斯啟緬竺法蘭之建宇恍親印土煙霞暨波叱利之
撫碑益廣寶王樓閣峯圍雙樹龍蔥現聖臺邊塔聚
千花縹緲棲賢谷下考水晶之界每聞崇建於前朝
開金粟之園更沐檀施於聖世鳳林春曉屢傳
翠鳳之旂龍窟泉迴恒駐蒼龍之駕青髻現仙人五

百均覆慈雲王毫遍沙界三千普霑化雨固已綳蓮
照野長敷稱意之華青豆開房永茂恒春之樹況迺
珠囊御宇遠闢黃圖玉燭調時重清紫塞息玉河之
烽燧遐陬並隸取章藝蔥嶺之桑麻絕域胥歸琛貝
重光協歲欣逢 萬壽之期大火司晨正屈三

春之節覲榮光於閭闔升恒呈台璧之符彰寶道於
璇璣宿離繪編珠之景扇虞廷之瑞藎 聖孝彌

昭拙唐室之仙萑

慈暉倍永蘭階侍膳奏

三殿之簫笙

椒寢承顏集

六宮之環珮溥

慈暉於禹甸咸伸純嘏之誠揚慶典於堯天

再展祝釐之禮

詔來玉陛指三晉以鳴

鑾路出

銅池望五溪而啟

蹕仙仗開而韶華正麗蓋拂芝

出鉤陳肅而淑景尤澄塵清蕙阪仰

慈寧之

鹵簿煌煌紫屬文軼肅

長信之威儀燦燦金根翟

羽鳳凰琢勝色映褱衣玳瑁承簪光齊翠葆雲現慶
都之邑遠協

鴻徽風傳聖母之墟福徵靈佑

茶檣酒肆村村聞

亶厚之謠土銓茅簷處處播

思齊之誦蜺旌綵繚早縈雪浪亭臺星罕飛
揚迴照玉花池沼聽千林之鐘梵樂奏迦陵俯萬壑
之松杉香生優鉢靈區志喜光湧銀橋淨域標奇燈
輝寶燄唯

王母無疆合德數過河沙在

聖人不置承歡籌添海屋天人叶慶胥徵介祉便蕃
民物雍熙豫卜榮祺合集加以講武則舟師効技

皇威下震蛟龍敷文而筆陣騰輝

宸藻遙飛

麟鳳允矣 熙朝之懋典洵爲 盛世之隆儀 臣叨

直 黃扉獲覩受釐之盛未隨 翠駕欣聞時邁之

隆瞻 大略之遙臨祇增鼇忭仰 安輿之至

止倍羨鳧趨頌京室之 徽音百福已同於洪

範溯瑤池之燕喜三多竊附於華封云爾

萬壽膺期駕上閑祝釐 親爲禮名山地標紫府煙霞迴

路入青峯日月閒鐘梵曉鳴金閣嶺松篁晴護石門關介祺

喜動人天界縹緲祥光碧落間

絳杓南指入韶春王會圖成絕徼親西域蕃王輸驚鷺東都

名將畫麒麟金壺獻瑞來諸部玉管吹風動遠人正值

璇闥稱慶日 皇朝仁壽被無垠

天家孝治邁皇初 萬乘巡方侍 起居菊部鳴葭移

玉饌

椒官結珮奉

金輿花迎

輦道條風暢

雨霽經塗化日舒最喜頻年逢

聖壽

九重春色動林

間

彤宮春暖協昌符日御靈臺告瑞圖二曜榮光連玉葉五星
煥采麗金樞直看太史河如鏡不數文昌氣似珠佛佑應同
天貺合青蓮花湧照雲衢

花信風和淑景遲

省方怡值仲春時九逵競炫迴波紫萬

井徐縈拂霓旗雪潤嘉蕤青羃歷冰消新柳碧參差衢歌巷

舞

皇情豫到處誼傳

萬壽詞

虜陽峯嶺控三邊寶鐸雕甍自儼然瓊瑤珠幢森妙諦琉璃
淨國啟初禪梵宮夙示華嚴界福地仍同化樂天

聖德

尊

親還法

祖鴻規重拂翠珉鐫

盛孝廉秦川 百二 自歷城至都過訪有懷桑農部與

甫 謂元 殷甫時爲灤源書院院長用蘇文忠新渡寺

席上韻

東風吹仙桃花事逮春半閉閣養疎慵趨班愧廉悍偶然寫
新詩塗鴉等畫墁聞君濟南來驚起就賓館袖中一卷書談
經恣疑難中星步義和相宅溯姬旦 秦川有尚書
釋天六卷 美玉久不

銜胡爲老憂患頗與五岳翁清吟雜悲歎翁年亦衰遲插架
空三萬暮節侶樵漁狂游共童冠絲絢侍 禁庭昔夢已霄

漢所喜枕膝人微言悟一貫 秦川爲殷甫高弟
時方應禮部試 我吟薦士詩

三復腸欲斷敢云神所勞深恐鬼將彈祇期倒玉壺及此春
冰泮蕭齋幸數過慰我衣帶緩

試院閱文用放翁韻示同事諸君

迢迢瓊漏夜將徂，尙想青袍立萬夫。朗鑑幸看君輩在，佳文得似古人無。珍材應植千秋樹，靈羽須求五色雛。倦眼摩挲官燭底，肯將茗飲問風爐。

時諸君皆和試院煎茶作故云

送金鐘越歸揚州

上計來燕市，依人下蜀岡。圖傳周小史，曲記杜秋娘。

鐘越有侍史定

郎小影又撰雙鬟畫壁傳奇甚工

花絮三春晚，風塵兩鬢蒼。好偕東閣侶，樽

酒話清狂。

海淀

玉漏將殘曙色澄，早看劍佩集疑丞。清塵初灑長堤雨，照夜猶懸夾道燈。北嶺煙嵐浮羽仗，東華雲樹隱觚稜。西風欲起林鴉散，一縷明霞海日升。

澄懷園卽事六首

水鏡當窗照花枝
入戶橫松深聞鶴語
萍破見魚行
背日青落長臨風白
芎輕偶然嘉客至
見太僕敬堂承寬謝編修崑城
解帶罷逢迎
路接昆明近
山連石景深
菰蒲秋水漲
榆柳夕陽沈
野鶴依簷聚
風蟬隨地吟
東華塵十丈
未許到清襟

露檻全依石
橫橋半積莎
池荒紅芰少
雨久白蘋多
曲徑朝盤馬
回溪晝浴鵞
依稀魚步上
笎簪漾層波

地是平津閣
本錢塘相國寓園
園疑輞水莊
琴書娛寂寞
樹石寄蒼涼

飯屑青精細
茶烹紫橘香
回颺聞壓遂
縹緲按霓裳

入直聽銅漏
趨班近玉除
校文同景伯
給札愧相如
擬作

千秋鏡
長繙七畧書
頻聞催進御
點筆愛幽居
時纂通鑑輯覽

近水秋先到
迎涼暑欲殘
夜燈筠簟冷
曉露葛衣寒
清夢懷

薇帳孤吟傍
藥欄
漳濱多病客
歸思滿漁竿

絕句

荷葉蕭疎點翠鈿
翻風多倚楸頭船
淩波不見紅衣舞
辜負雙鴛對月眠

一頃青萍掩綠紋
蕭蕭葑葉遠如雲
只應喚作秋聲館
冷燭虛窗隔雨聞

夢回薇帳夜堂幽
蓮漏丁丁送曉籌
煙鶴一聲山月墮
松風荷露已如秋

小院微陰長碧苔
玉簪澀雨未全開
孤花剩有戎葵在
半伴幽人入戶來

清蟬夜咽露華濃
絡緯蕭蕭響易窮
莫怪韭花湘簟冷
吟秋先已報寒螿

蒲褐山房雜詩八首

昨歲遷貳南所喜就蕭曠古樹十餘株盤枝互相向三月芽
始抽四月葉齊放六月暑雨滋清陰滿詩帳叢槐亦作花散
落青苔上閒窻晚無人爐煙自飄颺跂脚偶高眠臥游入江
嶂

坐參蒲褐禪起聽風颺語坡詩如么絃淒清愜微緒寫此署
山房差足棲禪侶禪邪亦多門圖通二十五教體在聲聞當
機堪自主我欲證人空入流漸亡所幸有小齋幽塵囂隔庭
戶扁以聞思修隱囊自容與秋禽時啄木秋蛩或振羽觀行
妙圓明誼寂兩無取

山房後聞思精舍時亦新葺

數椽稍葺治三徑仍疎蕪春與猿奴約亟理金鴉鋤層臺種
芍藥小盜分芙渠曉風玉簪發晚露戎葵舒丁香與薔薇先
後開紅跗萼菊未滿架青乳如懸珠稍欣菊秋盛坐致霜花

腴惜無五畝地趁雨栽嘉蔬

吳淞黃葉村籬落綠村步疎影夕陽中鄰翁共來去京華少
筠竿此景何由遇聊取葭葦編閒窗倩遮護蠻瓜忽冒蔓絲瓜一名蠻瓜繚繞黃花吐藕豆亦離離結子垂秋露時有小狸奴沿
緣上高樹

生平擅癖好修竹兼寒梅寒梅未易種修竹真當栽畦丁頗
健步遠矚淇園材蕭蕭數叢列簌簌清風回疎枝散蒼雪密
葉蔭青苔玉板不爭春迸出乘秋雷高者簷牙並低者籬根
排預思殘臘尾盆盎梅花開歲寒得二友把瓊傾茅柴

當暑雨連綿入秋勢轉劇淙淙響瓦溝瀏瀏下簷脊懸露挂
餘痕承塵漏清滴小婢誼移牀奚童苦運甕況聞老屋傾頗
畏層垣崩遙想桑乾東河流定奔激安得閃金鴉脣穹掃秋

碧

小雨足清塵急雨遂破塊久雨積堂坳乃有江湖槩微風皺
圓紋急流起疎籟繞簷芳樹陰倒影宛圖畫蒼蘚半蒙茸青
萍漸破碎生平印渚游久已隔塵壒朝來理屐行頗喜得清
快時聞一部蛙鼓吹出荒穢

吾生寡兄弟聽雨空蕭瑟所喜推襟人款語散愁疾秋潦滿
槐街雙扉斷車轍又聞瓊樹枝早度華嚴劫時汪庶常心
揆爲善初歿傳
經往事空載酒風流歇黯黯掩燈檠沈沈卷書帙聊仿杜陵
翁援毫撰秋述

送梁孝廉兼士夢善歸錢塘四首

昨宵西風生久雨作新霽客意已悲秋況乃臨分袂淒淒候
蟲吟策策疎葉墜良覲雖有時別懷杳無際扁舟下三沽值

此秋濤厲途長歎易盈節暮寒初至幸共苔岑侶清吟慰蕉

萃

時偕予門人申圖南兆定同行

春燈照巷陌春雪鳴簾櫳君時賦哀絃欲語淚霑曾我宿青
乳齋相對殘缸紅夜長強呼酒取醉開愁棕悼亡恨未已上
計途仍窮淹畱度暑雨歸向東吳東世事本如幻彈指成塵
空生平夢游春問取香山翁

山房薦樽酒聊慰飄萍迹觴行未及終涼雨忽蕭颯坐久茶
香殘孤燈照吟席攬衣不能眠清愁耿遙夕君思衛洗馬過
江擅標格我慕康僧淵入林事閒適古歡豈在同神氣定非
隔不逢世外人微尙何由釋

夙向西泠游并踏西興渡至今清夢中猶繞南屏路羨君理
煙帆還向湖山住材與不材間頗愛南華句圖中木鴈齋篁

石紛可慕何况歸邱樊自草郊居賦義學叩深公

謂大恒清讓山

言共法護

謂梁元顓

他時楓柏殷清霜滿村步高窗聞斷鴻

憶我定回顧

並題其水廨齋圖

爲彭進士允初

紹升題畫

柔波如簟碧沄沄石壁蒼寒欲作雲絕似故園橫柳上蒹鄉
橘塢罨斜曛

櫂頭船小壓菰蒲茶具書籤滿畫圖只恐軟紅緣尙在未容
秋夢落江湖

送門人申孝廉圖南還南

薊門秋半送征槎每憶招尋步屨斜信有微詞憐宋玉愧無
奇字付侯芭涼颼欲落長堤樹碧水還浮驛路沙回首鯉庭
知更切暮雲迢遞隔京華

寄家南明

敬焜

於重慶

時奉檄採木

羊車聲望滿人寰
薄宦誰知道路艱
益部煙巒連鳥道
巴中風景入烏蠻
紀程應近銅梁縣
捧檄先臨石笋山
楓葉江鄉休更憶
天涯容易鬢毛斑

吳荀叔以江米見贈賦謝

燕南秋雨繁秋畦
被秋水瀕湖種秫田
漠漠生葭葦東吳更
愁霖禾頭半生耳
何由問長腰索糴分
閭里幸我勝東方
竊飽太倉米復承知
己憐餉遺溢笥几
提攜付孺童歡喜及
竈婢老親病將瘞
噉粥良可以銅瓶石
炭紅歷歷香風起
所冀來歲豐三農
免庚癸我亦奉一囊
庶以報木李

送座主王芥子先生

太岳

回西安觀察任

頻年絳帳隔咸陽
此日重窺數仞牆
簪筆舊推周太史
懸鞭

今覩漢循良賈生暫許陪宣室白傅終應夢玉堂 召對微

聞 溫旨切何辭戀 闕淚千行

朔風殘雪感蕭晨又向東華送畫輪落落詞林存舊雨迢迢行李歷征塵楊橋水退初歸櫂繡嶺花開漸報春何日橋衡重奉席龍門西望倍霑襟

畢修撰秋帆

新納姬人諸桐嶼

重光

趙雲松以詩

戲之次韻二首

兩行椽燭照玻璃昵枕愁聽翠羽曉歌罷北方情易感人來南國見應迷促妝休比吹笙妓詠絮聊當舉案妻聞道劉楨許平視款門不惜錦障泥

蕭齋重拓小紅窗花下鸚哥月下尤煙暖銀篝香似霧燈明綺席酒如江臘前春信梅三九客裏仙緣壁五雙料得始平

工寫怨早絨織錦寄吳艤

臘月初七日雪夜嚴孝廉憩堂

翼祖

以次蘇文忠北

臺壁韻詩見示因成二首

昨看新月兩頭纖忽覺寒風一夜嚴
畫閣與誰吟柳絮茶爐差喜下薑鹽
青燈黯黯低衣桁翠竹蕭蕭冒帽簷
擬仿歐陽誇白戰層冰已上紫毫光

無復枯槐噪晚鴉閒門寂寂冷柴車
潤回宿麥將抽葉寒入江梅欲鬪花
清影儼同修月戶寒聲灑徧釣魚家
酒徒幸有公榮在不惜空梁落畫叉

春融堂集卷七終

春融堂集卷八

青浦王昶德甫

蒲褐山房集

壬午甲申

癸未

夏太常墨竹爲松崖上人題

夏卿一个竹西涼十錠金當時寸縑已寶貴至今何啻千球
琳試觀此圖纔九幅幅幅風雨含蕭慘或作柔梢展寒碧縹
緲煙雲拂苔石或作勁節撐晴空槎枒林壑生霜風三竿兩
竿自孤挺千葉萬葉相縈映其餘高下互橫斜漠漠湘波極
秋淨想當盤礴時見竹不見畫麻箋快掃墨淋漓彷彿濃陰
滴清灤昔見友石寫蒼筠疑有落翠霑衣巾合與此圖成二
妙令我遠夢依江村去年我亦移叢篠愛聽寒聲颭清曉狂
飈呼洶壓黃塵坐使幽姿日枯槁安得疎寮面面涼茶瓜閑

宿贊公房更攜寶繪同評泊遙領林中煮筍香

題曹雲西叢篠草堂長幅

千枝萬幹綠坡綠解籜抽梢看不足清和正值日初長時向
西窗寫寒玉元季三曹俱有名雲西翰墨更縱橫石隱南軒
偕出處風流老鐵共逢迎卽今絹素猶如舊亦有書堂傳世
守渡泖前遊已十年涼波一頃空回首

我鄉三曹元末俱擁厚貲獨雲西以風雅

隔今于孫多讀書猶居小蒸舊地

澄懷園雜詠

上直依名園頻年愜幽適昔去柵葉黃今來芳草碧鳥跡印
閑堦蝸涎篆虛壁開牕俯清流鳬鴨共拍拍稍看紫蒲抽已
覺青蘋積三春在 cities 苦破軟紅迫及茲拂几榻聊可布琴
弈仍聞煙鶴鳴一笑墮巾幘

園林數十畝池水几幾幽迢迢接玉泉渺渺帶書屋緬昔新
建公於茲理幽獨一捲蒼雲空明流湛寒綠更種千芙蓉紅
衣散清馥小艇載茶煙泛雨傍叢竹公去已三年勝景何由
復葭莢掩橋樁菰蒲亂溪谷水檻故依然誰爲咏濠濮敗舫
柳陰邊惟有閑鷗宿

裴少農叔度曰修舊寓于此命園丁刪

鳳喈題句所謂短竹臥來橫蠅螬小船
擇去亂鳬鷺者也公去池遂荒蕪矣

禁園近西山相去僅數里分明倭妥鬟靚妝傍階凡且當積
雨餘晴翠諸峯洗山態旣縈紆雲容倍渺瀾雲山互鈎帶隱
現紛離紀山靈似故人愛我重來止意欲弄清暉稍示幽居
美惜我如春蠶經年困屋軌輸與山棲人日夕秋雲裏

窗陰杏兩株盈盈映清曙經旬漸飄零微徑萎朝露芍藥與
薔薇亦逐春歸去我來炎夏初碧薜但盈路差喜戎葵花孤

叢冒煙霧此花世所輕蕉萃誰能顧我欲伴淒涼開時輒微
步嬾嬾石欄前聊足慰遲暮

生平寡歡悰遇賞輒遙歎逢花固淒迷對酒亦清惋況聽西
窗雨霑灑及夜半纔密忽復疎將連似還斷松杉頗刁騷葭
葦遂零亂涼風送檐花穿牖入書案未秋已先秋商聲滿深
院欲遣秋士知又使秋蛩怨秋蛩爾勿吟悲秋吾已慣

五月苦積潦六月仍愁霖檐端雷虺虺屋角雲沈沈園中芳

草路化作秋江潯水鳥亦厭水夜語青楓林我居似蓬島

詩說我官居似蓬島聽雨猶蕭森何況南北淀茅舍沿溪岑溼煙被門

巷婦子相悲吟所冀清風來一掃開層陰二麥已早刈幸勿

淹秧鉞

退直稍蕭閑掩闌便高臥臥起理生衣獨行誰可那所幸小

雲林

謂倪太僕

躡屐頻來過過我出新詩珠玉生時雖詩成悉手

書老筆

仍婀娜知君小閣居煙鬟對高坐深翠滿簾衣理詠

作清課愧我蠶線材雅倡何由和惟有擁鼻吟藉以養慵情

曲室語未終濃陰行復播遙憶瀟湘使此時策鈴馱

時曉徵侍講方

典試湖南

池南已欲雨池北仍斜陽黑雲截天半稍露殘霞光沿池老
杉木颯沓隨風颺輕雷雖噎噎急電何堂堂西山尚蒼翠未
許陰蕕藏浮嵐忽璫駁斜界長虹長遂還雨師駕松月來銀
塘欲倩米於菟寫此歸芸緇

閣中蔣心餘連夕以詩見示

一九涼月照重閣十首新詩所見稀愧我頻年持鐵網喜君
連日點朱衣掄才信合知言選妙義能尋杜德機好慰青袍

如鵠立非誇落筆散珠璣

琴谿圖爲徐上舍友竹題

夙聞琴谿名今見琴谿畫杳杳重巖深蒼蒼兩崖對寒泉一
道來曲折瀉清快長虹忽橫截急溜遂澎湃依然彈七絃幽
響振林藹君家山中居老屋互鈎帶綠樹隱鷗沙青蘿翳鶴
柴日弄青瑤流蕭條絕塵壑況有蒼龍鱗吟風奏天籟一洗
箏笛耳逍遙寄物外我從聞思修欲入三摩界十載不聞聲
此境何由逮他時桐廬江時友竹在富春小舫破煙靄來聽玉琤琤
爲余掃竹廨

寒夜招曹來殷張策時集蒲褐山房聯句送朱吉人
歸桐鄉用昌黎雨中寄孟幾道韻

祭輟俶行裴合簪肅雅拜

德甫

依依贈策情款款臨歧話來風

月暫同堂山川漸分界

吉

蕭寥羈客悲颯沓商聲噫

策

消寒

藉酒罍破寂備詩械

德

醉麝生輪囷狂吟吐荒怪

來

何妨歌

且謠未敢噤以殺

吉

異地欣合并黯魂惜遘

策

方期雲相

從詎意石終介

德

卑論任挪揄遠觀寧癘疥

來

大雅意臚搏

微才異馬快

吉

風髮定見收雲翮豈長鍛

策

休嗟趙壹窮聊

備高彪誠

德

憶從題素襟霍若起沈瘵

來

末契儷金蘭微詞

合鍼芥

吉

捶琴發清機賭奕忘宿憊

策

高攀鳥道危險踏魚

梁壞

德

胷藏嶽嵒興吞夢澎湃

來

飛筆鬪錦箋燒燈眩紅

棘

吉

昔共對牀眠今聽離笛喝

策

青霜五夜濃黃葉千林敗

甫

德

鳳城轅欲馳鴛水榭將屆

來

削牘悔雕蟲持竿擬垂犗

知君雖解設念我寧棄蒯

雨跡誰同清風道先戒

來

難禁別淚零忍逞飢涎噉

吉

五噫

軫梁鴻百端集衛玠策時枉訊佇瓊枝贈言愧金薤甫嘉會非

終睽獨行慎占夫來殷

瀛臺卽事

麗景載暄和層冰尚演漾寒銷太液池展眺神彌王疎林畫
艦傍殘雪 觚棱上茲地本瓊華金源記開劔恍疑真仙居
勝槩等蓬閭紅橋往復迴白堦晴相向隱隱金地鐘北爲永安關
寺二肅肅瑤堦仗簪筆肆餘閒振衣適遐望誰云江湖佳對此
遜幽曠願偕靈沼禽游泳遂微尚

送同年平瑤海聖臺回臨川縣任

人生真似飛鴻迹一別東華良會隔南北差池十載餘相逢
仍在長安陌感時豪氣動鬚眉中酒清譚露肝膈回想東堂
折桂時走馬金門同射策君登 朱殿染江毫我理歸舟悲

楚璧泰岱朝披霧旭紅廣陵秋攬飛濤碧此時戴斗望空桐
夢裏分明見標格雌伏雄飛那可期白衣蒼狗須臾易翠
華萬乘莅南邦獻賦帷宮奏金石聖恩優許廁薇垣
稍向青霄舒倦翮誰知君又適西江彭蠡晴雲振飛舄臥閭
濃花拂印牀行春秀穗依車輓果看報最上巖廊共喜循
聲蜚簡冊昨朝引見動天顏御屏姓氏真烜赫我方
趁曉直乾清竊聽溫綸增悅懌預期特擢獎賢良豈
獨高才領繁劇去年暑雨漲滄江九派風潮互澎湃中澤難
安鴈鷺居荒村欲作黿鼉宅至尊南顧每咨嗟賜復
蠲租紛絡繹凋瘵終須慈惠師拊循端藉文章伯父老應仍
望細侯友朋何計留征客沖融淑景解冰霜迢遞郵程慎眠
食他時燕寢晝凝香好寄瑤華慰相憶

題一泉上人出塞圖六絕

京洛重逢雪滿顛，漉囊筇杖意蕭然。諸方行脚休辭老，持較曹溪少十年。

薊門北去萬山雄，戍鼓軍旗颭朔風。知是南方嫌軟熱，坐聽

礪雪學清公。

見夢游集

岫雲寶地舊知名，松竹香林分外清。行過華嚴開講處，礪泉

秋雨玉琮琤。

停雲舊館已雲煙，方外風流見後賢。莫作啞羊方口食，西堂

翫月是真詮。

文氏小師文山先生之後也

懷仁書法贊寧詩，慣寫江梅玉一枝。想見塞垣孤寺晚，藤窗

小嶠墨淋漓。

石門風口望中收，香界天池憶昔游。

舊主蘇州華山講席

更有家山忘。

未得碧雲紅葉泖湖秋

闌夕雲松和心餘詩見示感作

重闌華月色如銀掩卷挑燈笑語親所見豈皆如我意相知
自在識其真從來義理無窮境自古文章有替人陸內相同
梁補闕見韓文公集昔賢愛士與誰論

送戴孝廉東原歸新安兼詢金秀才輔之榜

天都歸去謝紛譌通潞亭前竟打包文字何人迷五色神明
有夢授三爻更隨老宿窮經緯謂江君慎修永細與同心辯禘郊時輔
之方習三禮作記已煩名鄭學鑿楹先付小胥鈔

重游豐臺王氏園林有感二首

兼旬小極息勞筋行藥城南意正勤淺水尚畱前夜雨寒霏
仍接遠山雲餘花荏苒臨風落好鳥閒關隔屋聞莫恨尋春

來較晚古槐高柳滿晴曛

名園一徑草芊芊彈指前遊近五年無復亭臺畱寸碧

李格非洛

陽名園記董氏東園微聞花木入平泉古藤壓架依危石疎獨流杯寸碧二亭尙完

柳眠池拂壤船依舊小樓吟賞地斷垣風雨繡苔錢

西苑侍耕藉恭紀

芳郊扇暄風文囿潤靈雨太史晉禮儀官驗鍾呂

聖

念廬春田鳴鑾啟清籟崇門直桃蹊曲逕踐蘭圃迢迢

豐

澤園

帝藉劬往古吉蠲擇元辰俶載重隲土四推典可

循禮著三推

世宗憲皇

一墜義攸取布穀響池塘犂

牛係林莽

黃纛從中升青紘次第舉龍吟簡公孤扶犁迨

亞旅有年雖頻書農事敢違處酒徒太室殲粒俟

神倉

貯用徵二氣和永協九功敘會見嘉種登吹陶報出祖

林溝道中

曉拂吟鞭趁馬羣
近山嵐靄漸氤氲
沙汀寂歷開疎雨
煙郭參差辨密雲
長坂呼牛芳草足
回溪放鴨亂流分
人家一路垂楊裏
報午村雞隔樹聞

過密雲

地是庠奚舊時從
獵較來風高雙旆捲
日出衆峯開宿霧
霏霏斂輕雷漠漠催
綠邊形勝地斷壘接
烽臺

南天門

路過天門接山高
地脈分女牆高挂月
烏道遠凌雲古戍黃
花鎮清秋白鴈羣
從臣爭試射鳴鏑不
時聞

青石梁

茲梁何歲鑿杳宛通
龍廷雨崖盡積鐵忽
起森崢嶸斗削砥

其上綿亘如墉城連連互排比磴道中盤紜仰企想懸綆直
下儕建傾偉哉鴻鈞力作障藩幽并緬惟

聖祖日蒐

獮懷邊庭取道在鞍匠此路夙未經迄今屢開闢浩蕩容輜
輶巍峩雲臺仗赫奕陰翬旌上下三十里初旭生光晶斑斑
野卉綴泱泱流泉鳴因思古北外厥險周重扁奚爲崖厂畔
在昔疎屯耕乃歎前代陋馭遠無奇營下梁暫憩足乞漿叩
衡荆陰霽稍翳藹回首塵沙清層巒不可數一氣橫蒼青誰
云路險阻我馬方奔騰

出古北口

重鎮接盧龍嚴關鎖碧峯盤空千堞峻亘古一丸封笳鼓排
軍壯人煙列肆重白河流水急浩蕩想朝宗

纔望金溝旋過石匣城西涼莽蕭瑟北口自崢嶸墨斗山

誰能指蠶房尚有名虛傳楊業廟石馬負熊旌

喀喇河屯

戍砦黃崖古煙巒黑谷存地曾分五帳城尚啟三門壁壘思
渾黜軍鋒想撒敦高臺吹角罷自古重軍屯

牆嶺依關壯灤河並海趨星辰通北戒日月接東隅萌骨封
仍大金源蹟未孤薺王爭望幸旣帳滿平蕪

興元曾置縣寧朔更名軍後衛雄天險中都據地垠奚王牙
帳舊鎮將列城分尚憶前朝事傳烽入暮雲

常山峪晚直

馳道緣崖築行宮傍嶺升前驅先射虎別騎晚調鷹夕照
千峯雨疎煙萬帳燈秋風殘暑退涼氣滿衣棱

熱河雜咏

地氣通西嶺山形枕北庭峯當斜照紫樹入暮雲青亭障傳
三衛人煙雜五廳誰知甌脫路箏板唱瓏玲

路本鄰三會營仍列八旗蕃奴工牧馬村婦慣呼猗熱河黎婦女呼聲旦晚不絕郡邑傳興化封疆遡女祁織皮坊市盛不擬望寒

衣

砌道通紅約城牆繚翠稜工咨將作監樹記上林丞紺塔開

初地

時舍利塔初成

珠宮演上乘

薄仁薄寧二寺皆以喇嘛居之

更營固爾札鈴鐸

拱三層

固爾札廟新成

丹青絕壁繪天龍初地移來倚碧峯玉塞早聞經劫火珠林
重與煥慈容都綱遠示莊嚴相步薩兼傳祕密宗象教依然
同月竊蕃渾驚喜聽鯨鐘

詐馬

詐馬爲蒙古舊俗今漢語俗所謂跑等是也然元人所云詐馬實咱馬之誤蒙古語謂掌食之人爲咱馬蓋呈馬戲之後則治筵以賜食耳札薩克於上
行圍木蘭進宴時擇名馬數百列二十里外結鬚尾去羈轡命幼童騎之以鎗聲爲節遞施傳響則衆騎齊騁騰越山谷不踰晷刻而達掄其先至者賞之

突如急箭離弓鞘捷如快隼除鞬條蕃王詐馬夙所調觀者目眩心神搖名駒數百陳平皋束髮解轡開鈴鑣健兒離立垂輕髻忽開火礮聲周遭應節直上儕獠獠先者怒出追秋颺後者絡繹驚奔濤耳畔但覺風刁騷勢較晷刻爭分毫或越林莽登山椒二十里外恣逍遙 御筵黃屋蒼天高諸蕃

列侍同班朝坐歎絕技真嫖姚三十六騎神勇超錫以金幣
榮嘉褻如此迅疾逾龍躡何難直達崑崙尻

榜什

榜什蒙古樂名其器則笳管箏琵琶阮火不思之類將
進酒于 筵前鞠脰奏之

秋笳忽起聲嗚嗚琵琶絃管爭傳呼衆音方競歌響作低昂
雜遝鼓隴嘲十番由來本塞上用以侑食爲嬉娛我 皇
蒐苗向朔漠名王萬部羣奔趨團團廣幕設平陸爛爛綺席
陳行廚鞠脰再拜衆技列上壽用博 天顏愉大曲小曲
互繚繞先奏後奏咸虛徐叩宮應徵悉中節合以古調原無
殊軒皇張樂洞庭野周王設樂崑崙墟寧如 行圍并 錫
宴雜陳禁味兼侑樂停雲日明爰閭應有靈鳳儀天衢

相撲

相撲之戲蒙古最重筵宴時必陳之 本朝亦以是
練習健士謂之布庫蒙古語謂之布克脫帽短襖兩
兩相角以搏之仆地爲分勝負

一人突出張鷹拳一人昂首森龜肩欲搏未搏意飛動廣場
占立分雙甄猛虎掉尾宿莽內蒼鵬側翅秋雲巔須臾忽合
互角舐揮霍掀舉思爭先擣虛時時見蹴踏扼吭往往愁傾
顛壯心終擬作後勁努力寧肯輸先鞭三禽三縱逾拗怒再
接再厲紛騰騫曳柴僞遯迥狡獪舉鼎絕臙猶喧闐要使一
蹶不復振如鳥跼翅魚投筌勝者昂藏作山立 命酒飽食
黃羊鮮相又相撲山法華經雖小技較藝亦足威貶邊豈如翹關
拔河戲僅資囑噓誇輕儇

教駢

教駢周禮所載今惟蒙古熟習其法謂之騎額爾敏
達驛馬三歲以上曰達驛額爾敏則未施鞍勒者也
每歲札薩克驅生馬至宴所散逸原野諸王公子弟
雄傑者執長竿馳繫之加以羈鞬騰蹕而上始則怒
馳逸騁翫突人立頃之乃調習焉

塞垣生馬猶生龍瞬息百里騰長空騏驎誰能赤手捕蕃王
王子真驍雄長竿一丈如飛虹攬身直上披花驪馬驚且怒
作人立奮迅一躍無畱蹤雲沙颯颯煙濛濛山移谷立秋濤
衝或蹄或啗無不有倏起倏落焉能窮須臾力盡勢稍息俯
首始受金羈籠朱纓玉轡紛玲瓏歸來振策何雍容圍人太
僕盡歎羨真足立仗長楊宮是時大蒐真顏東天閑十二

相追從蘭筋礮礮森方瞳更 命考牧搜名驄花門萬騎聲
隆隆降精天駟寧難逢嗚呼降精天駟寧難逢莫使大野夜
夜嘶霜風

八月十五日夜進哨

出塞仍逾塞中秋不當秋沙驚圓月暗風挾怒泉流累石橋
仍窄連山雨漸稠依巖茆店小彷彿一燈幽
隔嶺人煙少綠溪虎蹟多霜寒嘶病馬沙澗伏明駝遠戍聞
傳檄前驅見荷戈今宵留滯客紅蠟唱伊那

自熱河至張家營作

令典秋三月康莊第一程滄溟連鴈塞古戍亘龍城禾黍徵
豐稔烽煙息太平何期韋帶士得與伙飛行

紫塞盧龍北檀河又白河日暄乾稻廩風勁轉蓬科鳥雀因

寒聚雞豚就食多義皇風俗古亦馬更婆娑

六十七圍場方輿及大荒秋高峯更翠霜重草全黃地界卡

平倫接泉源淖爾長每一圍場中必有哈達山下有泉衆流積水謂之淖爾彎環紅柵

在來往便戎行圍場八旗分四正四隅相距二三十里不等近者或距六七里蓋中有山者始爲圍場以

山大則禽獸多山小則禽獸少故遠近不能一繫也

木蘭園中和申光祿笏山韻

霓旌風急動龍蛇跋馬秋原野徑斜指點溪山真似畫可無

茅屋兩三家

歷盡驛顏鳥道平萬峯頂上曉霜清不妨預作登高會只少

籃輿載酒行

沙河纔過碧山開前一日住永安拜蒙古語沙河也古木秋深翠作堆空谷

何人能見賞年年風雪老琴材

短衣茸帽曉迎風塞鴈行行映碧空知是山程行過半初陽
一抹樹梢紅圍中路程遠者不過三四十里近者乃十餘里每黎明啟行至曉日三竿則已抵下營矣

再次前韻

溪流曲曲綰秋蛇列帳層層傍嶺斜人語雞聲成小住居然
來往似鄰家

絕磴初開木棧平蒼崖雨過十分清書生忽欲誇身手笑與
期門縱轡行

旂門兩翼畫旗開颯沓風生萬馬堆今歲獻禽知倍富龍沙
天驥正三材侍衛傳君靈安新從大宛市馬歸高仇壯健異于常品

千林黃葉颭秋風殘日初沈暮靄空散直歸來頻覓路停鞭
遙指帳燈紅

古長城

亂山層疊不可登中有岡阜森崢嶸高者龍身漸迤邐卑者
豕腹餘彭亨年深絕無樓櫓迹日出但有磨磨行方輿志乘
久失載相傳指點稱長城後王德薄地亦隘豈能直北踰龍
庭背婁箕尾值燕趙專心分野曾經經或言剏造由秦嬴西
起臨洮東滄瀛當時將兵三十萬欲使蒙氏誇邊畔迄今古
址在北口去此千里難爲并應當循蜚疏乞代

本御製
長城記

都荒畧歸生成是以舜封州十二厥壤蒼莽包并營我

皇拓境極西域已盡月竊全綖紘況此木蘭等苑園校獵歲
歲飛鳧旌中外一統奚足辯但思肆武覩豪英蕃君盟長會
治事舉柴助殺輸精誠檉柳條邊易古志豈限南北分行程
簪毫幸得侍仙蹕九邱八索疇能名見聞所及豈可忽擬
補伯翳窮荒經

錢唐相國惠哈密瓜賦二十二韻

異蔬殊方進嘉名舊譜傳色如沈碧瑩類似早青妍辯種來
箕水移根傍露川瓠瓢同繚繞眈眈各聯蹠下子獠奴熟分
秧圃老便離離盤複壘漠漠擁平田弱蒂依沙長脩莖隔樹
牽融風殘暑候細雨蚤涼天靈液滋旋滿長苞味已全含瓢
真玉潤賦質恰珪圓共識瓜州產真迥石蜜煎傾筐堆映畝
壓擔赴郊鄺荒服稱奇最邊氓錫貢虔受和徵土物表美應
星躔封裏馳官驛陳肴進御筵殊恩頒上相特命走
中涓乍圻筠籠細高裝翠輒連擎來涼似雪削處汁如泉色
映頗黎瓊香陪藥玉船品非湖橘賤質勝楚萍鮮作賦懷張
翰摹形媿傳元分甘攜畫榼推惠到書氈最稱消寒酒偏逢
小雪天燒燈將餞臘竊喜得加邊

翁編修振三方綱移寓東偏喜而有作

數椽老屋在東頭茶銚花磁位置幽仿得樂天詩句好綠槐

宜作兩家秋

耘菰移宅已三旬先是趙耘菰居此幸得君來共結鄰可是寄園風

雅地下居往往得詩人

西南小巷實荒涼桐嶼新來又望湘諸同年升之向與同巷今出守辰州彩筆

豈能干氣象魁三差喜近文昌前考試差君第一子第三故云

一道茅牆僅及肩詩筒酒榼往來便只愁忽得驚人句夜半

狂吟醒醉眠

四十初度劉閣學映榆招飲于畢秋帆聽雨樓並邀

陸健男趙升之兩舍人共為百年之祝賦此致謝

雪中退直感蕭辰折簡緣知綺席陳正值晉卿悲子卯時蕭林相

國方敢同楚客賦庚寅百年致語叨深意三壽齊稱愧後人
明日登樓還報謝西山遙望玉嶙峋

招家蓬心宸小飲

又是殘冬近小除蕭條雨雪掩衡廬經年詩卷從頭校換歲
春聯信手書估客遠來貽醉蟹庖人新味薦冰魚隔牆相喚
開新甕莫爲窮愁結柳車

直廬曉坐

東華局已開北闕鐘初響鳴鏹入建章瑤妃躡宏敞殘月
遠無痕明河高有象直廬散微香封事猶未上偶與鵷鷺行
披襟勵誠讜松火轉茗爐蘭膏映書幌靜欣翰墨閑晴覺雲
霞朗禁地肅清嚴簿書謝鞅掌慙非經世材謬作釣天想
東直門

陵寢紆

宸念和鸞啟仲春日隨龍蓋影風淨馬蹄塵牟

麥青盈隴黃楊綠覆津焚香諸父老夾道擁朱輪

蘆溝橋道中

滕六宵來尚撒鹽寒林風色鬪清嚴柳邊忽上三竿日微溜
還看滴帽簷

蘆溝河畔夜如雷兩岸層冰一道開鼓橐緣知春氣早石橋
隄外玉山堆

雲開石徑翠巉巖聞說金經近百函除是水西莊上客誰能
親手剔貞城

望石經山山中有唐刻石
經查恂叔曾親往摹涓

寄盧運使雅雨德州四首

往事如雲遠前遊入夢長每思官閣夜還憶廣川鄉懷袖三
年字心期一瓣香歲星遊戲久人擬是東方

聞說抽簪後園林事事宜調琴松下屋機櫛竹閒池漢上耆
英會松陵唱和詞幽居兼學道應已放楊枝

畫扇家風在雲莊接杜亭

皆盧氏故事

扶筇穿窈窕散曲按瓏玲

瑣事彈棋格仙方服食經猶多問字客載酒叩鐘莛

謂周書昌永年

梁鴻翁諸君

追憶清狂日招邀樂事偏春陰瓜步笛夜雪廣陵船物論推
前輩風流似昔年樊川今漸老爲報鬢蒼然

倪給諫穉疇

國璉

七芳遺冊爲敬堂太僕

承寬

題

作畫如作詩妙意在標格脩然玉雪曾豈染塵土迹先生姑
射仙蓬閣偶降謫生平書畫詩一一探幽蹟過眼等雲煙聊
刺海水滴流傳到克家鄭重祕先澤斜陽小窗明清香凝
簾帶端拜出示我墨華動琴冊梅蘭孕微馨松竹湛深碧叢

菊本佳友秋蕖亦溪客猗猗水仙王淩波向寒魄羣芳不並
時孤潔正相敵冰霜老歲華水月伴晨夕桃李雖漫山豈中
作僚役譬之衆正居學業各有適趣異道必同雅契比金石
風流房相琴瀟灑謝公屐吞腥啄腐流未許近几席持此論
前賢寄興庶可測嗟我生苦晚何由接巾舄讀畫得其真清
襟定學寂遺韻足千秋蕭蕭起寒色君今慎藏弄已比萬金
璧雖無寒具汙勿使塗鴉厄君家近西溪儼似衆香國圖中
數種花芬敷遍阡陌他年乞鑑湖提攜歸硯北相與山澤臞
摩挲永無斁

輓受銘

藥裏茶鐘慣臥痾忽聞薤露促悲歌飾巾忍見風流盡掩袂
難禁雪涕多翼相不堪頻舉解匱王何處更觀河

楞嚴波斯
匿王長水

義疏稱丁辛老屋新塗墜誰料披帷痛逝波

深譚揮塵又何年重溯前遊只惻然犀角有人能拂拭子復少慧

爲香樹尚書所賞識牛腰無計與雕鐫時詩集未刊生虛下壽天真酷死更

長貧鬼亦憐瓜步煙波燕市月迴腸愁過酒壚前

七月初八日隨蹕起行

銀河絡角隱茅茨擁篲兒童滿路岐試看吉行誰送喜曉鴉啼過見芻尼

鳳城雉堞逗晴暉夾路疎楊綠未稀水曲風來涼意足又看清露溼征衣

小橋流水尚沖融知是前宵雨澤豐黍稷已收門巷淨偶聞雞犬出深叢

灤陽雜咏

再過秋蒐地深知 武德長連雲開雉堞計日會龍驤苑樹
森榆柳山田熟稻梁人煙塵市足誰信近圍場

每其簪毫侶常娛扈 蹕心磬鍾晴日麗墨斗慶雲深五渡

水瞻清景三驅樂德音自來渤海客誰及此登臨

舊典三秋重新 恩十載宣自甲戌乙亥後準夷回部蕩

特使臣皆與蒙古王公等輪班至熱河朝覲 賜宴笙簧陳法部鼎俎列賓筵風定銀

花放雲開玉鏡圓魚龍爭曼衍羣樂侍鈞天

進圍場康熙年間準噶爾方強侵軼蒙古諸部

百餘里以奉秋多較獵木蘭圍場自此始也

木蘭千里龍荒接準部強梁共震懾 王師赫怒殲兇渠從

此諸蕃奉游獵彌蒐年年出塞行選徒每值秋風清講武寧

惟習勞勩來 覲要使摠精誠茲逢晴爽移 仙仗碧山紅

樹如屏障伏莽先搜狐兔藏解絲已見鷹鷂颺半圍如月分
遮防須臾止殺收旗槍一十四圍連日舉風毛雨血齊騰驤

哨鹿行

期門壯士枝鹿冠馳馬半夜踰屏顏雲生月暗萬籟寂哨音
一縷清而鬪雄鳴雌和欲嘯侶深林潛出來相看忽逢人立
駭躑躅神鎗應手遭傷殘同時所獲豈勝計他他藉藉皆騰
歡大炮不盈古所誌豈爲多殺資盤餐彎弧已快三耦中解
網飭使千軍旋由鹿已憐殺機重放鹿曾仰 仁恩寬
有放鹿詩 上林定有蒼白至虞人告瑞歌般般 御製

殺虎行

塞垣霜落千山凍五夜行圍開萬衆坡頭地角盡包羅貪狼
狡免羣惶恐看城早設 帷宮張亭亭黃檉雲霞縱健兒驍

將正馳驟忽聽深林呼嘯共始覺山王已負嶠半倚巉崖半
巖洞彎弧如月那得傷爆竹如星亦難中牙爪猶令百獸驚
目光直射千夫調周陸雖已列三重袒裼終虞成一闕五人
突出忽當場敢冒腥風爲此弄虎窮無計亦騰飛當心一戟
乘其空四人併力刺鬻蹄斑斑委地知何用長絙巨索曳平
蕪獻來尤覺鬚毛動昔年一矢播天威此時徒御何
喧哄預知白獸定開尊歸去青絲且緩控殪兕應同小雅詩
射熊休比長楊頌

還至熱河寄家信作

興安霜雪點征裘歸路頻嘶玉腕驕爲報高樓休悵望行人
今已度茅溝

土銼松柴半榻溫曉燈殘菊印牆痕秋霜吹過重陽節風雨

依然滿塞垣

淡雲微雨釀寒天疎柳蕭條拂錦韉差喜刀環行漸近秋河
三度月華圓

鄂爾楚克同陳通政星齋

兆崙

晚坐

塞山秋晚最淒清笑看玲瓏翠壁橫細數昔賢誰得到幸逢
名宿與同行半痕新月穿雲出一曲幽泉繞澗鳴知有雪坑
香茗在竹鑪松火待徐傾

商太守寶意

盤

至都畢秋帆招同劉映榆錢坤一趙

升之嚴東有程魚門陸健男童梧岡

鳳三

吳鑑南

瑣

集聽雨樓和寶意韻

高樓樹杪鬱嵯峨深巷鳴鑪上客過詩卷久看凌鮑謝賓筵
重見集陰何蠻煙瘴雨羈愁劇割井柯桐昔夢多感事不妨

拚痛飲酒星芒動拂明河

巖疆幾載擁干旄入 觀依然意氣豪四海人才歸月旦千秋詩派接風騷湘屏風細催檀版定殘波生鬪玉醪聽雨卽期常話雨咬春燕九共嬉遨

贈寶意太守卽送之雲南順寧新任五十韻

憶昔羈卯年論交遍江甸好事聚敦槃名流肆譚譙維時侍

御公

次山先生

丰稜表羣彥亦有大布衣

李徵君客山

藥若任蕭散我

常相追隨昕夕共几研兩君出示我質園詩數卷殷如鐘鐺鳴朗若珠玉炫雲霞麗縹緲波浪激洄沔容裔垂長旂芳華飾修髯低徊秦青謳惻愴楚妃歎洵爲六義宗豈容一辭贊快讀四五番手腳輕欲旋側聞夫子名雄才著臺院聲華元白亞譽望揚劉選好句織弓衣清標畫團扇佐郡向金陵秋

江澹澄練六朝餘韻在三閤遺蹤徧聽箏仍慨慷邀笛頗婉

變復有臨汝郎

懷子

風流互游衍濛濛花月地作達傾都羨

長風送高軒蠻鄉擁郵傳天柱矗峻嶒靈渠瀉洄漩偶逢驛
使來問訊眠餐善所思在桂林慊慊心目眇今秋從長楊親
侍頭鵝宴連山叫鵬鶚匝地射彪彪歸來聞雙旌前驅過灰
澁相望二十年春明忽相見議論翻江濤精神閃巖電軒昂
動鬚眉矍鑠著顏面文章老更成篇什多益辦依然次公狂
未覺長卿倦名賢更翕集鳴鑣溢里閭風霜小閣寒燈火重
樓粲折簡並招邀銜杯輒繾綣道古沂風騷勵學本經傳賓
朋一代才著述千秋擅仰睎天市垣德星迴霄漢更闌話舊
雨身世等夢幻王李歸道山陳根付深喑袁虎亦分衿停雲
隔繁澗茲復萬里行專城就邊宦論心感夙契執手動遐戀

所喜西南屏山水盡峭蒨天躋近井鬼地勢異蒙段靈蹟古
未開新詩應獨煥壯游良足誇遠別詎爲患焚輪振獐麕野
松急飛霰萬嶺聽號援三冬逐征鴈還當酌酒入城南待追
餞

送周侍講稚圭升桓赴蒼梧鹽道任

本朝故事詞臣重 講幄森嚴陪法從上殿熒煌 仙仗開

御門清曉爐煙動明禋 祝版肅郊壇稽古 經筵陳雅

頌定例

經筵上升殿

御門南北

兩郊

儒生接武近

雲霄特躋崇班依藻棟未論文彩植麒麟已羨聲華等鸞鳳

矧君本是白眉良

君行第三見北史孫靈暉傳

瑤琨雅稱荆揚貢章程書

迹俗同誇經進詞章世爭誦高名漸欲擬嚴徐榮遇方期頤

宋一朝 恩旨忽超遷萬里長征需嚮用夙嗟權算重鹽

饌食貴時時困黎黎當爲農末利均輸可使僮胥恣喧鬭算
緡定在斥錙銖選吏兼須剔諛調此行風土入蒼梧約計郵
籤過章嶺送臘年光近小除迎陽冰雪開微凍贈策將歌驪
在門常筵莫負蛆浮甕十載親知詎忍離百分快飲何嫌痛
璇斗行看柄插寅使車到處春當仲五雲如憶上林鶯衙齋
應有還 朝夢

過梁文莊公楊梅竹斜街舊第有感

靈輜一慟隔郊原還過平津更愴魂高閣漸看成馬廐華堂
誰復仰龍門已辰空悼經幃夢子午深懷 黼座恩想見鵠
頭南去路炙雞漬酒共聲吞

送吳上舍樸庭

倫文

游房山卽往易州書院

來如飄風去如電三載京華幾相見一朝剝啄叩開門復此

空齋言笑晏碧海黃塵看已空白鬚紅顏身猶健頗將心法
問禪那利有空華在詩卷愛君學道已蕭閒愧我多生積憂
患正思妙語破春容九九消寒接昏旦何爲又作打包僧桑
下寧無三宿戀拂衣遙指大防山一髮青蒼心所羨河山兩
戒本中條玉堂石室千秋擅百尺雲崖仙鼠飛數重雪竇銀
鱗現靜琬碑叢藤蔓封長江峪古泉流濺已知地主足留連
謂商明府復有詩人偕汗漫謂商太經行應憶栢坡仙循覽遺
文淚幾泣謂萬孝廉循初當時吐氣虹霓垂誰料前題胷苔
蘚游歷頻紆感舊心分張詎免盈襟歎時寶意將塞驢歸蜀
翠屏西偃蹇青山對空館黃金臺榭弔荒蕪絳帳生徒供問
難玉川寂寞抱遺經楊子深湛作元贊相期遠道賁書緘仍
擬殘冬其霜霰哉蓋先從文度謀謂令子平原十日恣游衍

奉

命同汪舍人康古閱續藏經

覺海三生獲問津

重來內院展金輪珠林繙譯均堪寶

流傳恐失真

因續藏內有明九蓮樹接觚稜卿月麗

時諸城香霑經案法雲新支那撰述何能盡支許相隨喜夙因

春融堂集卷八終